

# KED Renungan

## DOA PENUTUP:

Jemput seorang ahli KED yang lain untuk memimpin doa penutup.

## LAGU PENUTUP:



## Kasih Setia – Mu Yang Kurasakan

Kasih setia- Mu yang kurasakan  
Lebih tinggi dari langit biru  
Kebaikan Mu yang t'elah kau nyatakan  
Lebih dalam dari lautan

Berkat – Mu yang telah ku terima  
Sempat membuatku terpesona  
Apa yang tak pernah kufikirkan  
Itu yang kau sediakan bagiku

### Reff:

**Siapakah aku ini Tuhan  
Jadi biji mata - Mu  
Dengan apakah kubalas Tuhan  
Selain puji dan sembah kau**

## HARAPAN:

# PANGGILAN HIDUP SUCI DI DALAM KRISTUS

**FOKUS: HUBUNGAN**

**ACARA: HARI ORANG MISKIN SEDUNIA**

## PENGENALAN:

Di dalam amanat Apostolik yang terkini, Gaudete et Exsultate (Bersukacita Dan Bergembiralah), Paus Fransiskus menyatakan bahawa kita semua dipanggil untuk menjadi orang suci. Dia menulis: "Tuhan ... mahu kita menjadi orang-orang kudus dan bukannya sekadar hidup hambar dan biasa-biasa saja (GE, 1)." Paus juga berkata: "Mereka yang benar-benar ingin memberikan kemuliaan kepada Tuhan di dalam kehidupan mereka, mereka yang benar-benar mahu untuk berkembang di dalam kesucian adalah dipanggil untuk mencapai keazaman dan kegigihan di dalam mengerjakan karya belas kasih Tuhan" (GE, 107).



## DOA PEMBUKAAN:

Menjemput seorang ahli KED untuk mengucapkan Doa Pembukaan.

## LAGU PEMBUKAAN:

# Engkaulah Segalanya

(You Are My All In All)

Engkaulah kekuatanku,  
Engkaulah kemuliaanKu,  
Engkaulah s'galanya.

Engkau permata yang indah,  
Tak'kan pernah kulepaskan,  
Engkaulah s'galanya.

### REFE:

*Yesus Domba Allah Mulia nama -Mu  
Yesus Domba Allah Mulia nama -Mu  
Kau hapus s'gala dosaku  
S'gala cela dan Malu ku  
Engkaulah s'galanya.*

Saat jatuh Kau angkatku  
Saat haus Kau p'nuhiku  
Engkaulah s'galanya

## DIALOG:

Pada suatu hari, ketika Ibu Teresa sedang dalam perjalanan ke Hospital Badami di Kolkata, dia menemui seorang wanita tua yang berbaring di jalan. Dia melihat dengan teliti keadaan wanita itu dan menyedari bahawa kaki wanita yang dibalut dengan kain itu, penuh dihurung semut. Kepalanya kelihatan seperti telah digigit oleh tikus dan lukanya yang berdarah dipenuhi dengan lalat dan cacing. Ibu Teresa tahu bahawa jika terus ditinggalkan di sana, wanita itu pasti akan mati. Oleh itu, dia membawa wanita itu ke sebuah hospital berdekatan. Pada mulanya kakitangan hospital tidak mahu merawat wanita tua itu. Selepas Ibu Teresa merayu berulang kali, seorang doktor akhirnya merawat luka wanita itu. Kemudian dia memberitahu Ibu Teresa: "Ibu ini perlu dirawat di hospital tetapi kamu perlu mencari tempat untuk dia berehat selepas ini."

Dari situ, Ibu Teresa segera pergi ke pusat penjagaan kesihatan Dewan Bandaraya, dengan harapan dapat mencari tempat penempatan pesakit yang miskin. Ketua pusat itu adalah seorang lelaki yang penuh belas kasihan dan mendengar permintaan Ibu Teresa. Kemudian, dia membawanya ke pusat biara Kali yang terkenal di bandar dimana satu tempat untuk kegunaan Ibu Teresa akan disediakan. Pada awalnya, terdapat bantahan kuat dari beberapa orang tertentu dengan alasan bahawa Ibu Teresa bukan orang India. Namun, Ibu Teresa tidak gentar bahkan terus membawa ramai pesakit di jalanan ke tempat perlindungan itu. Di situlah dia membersihkan mereka, merawat luka mereka dan memberi mereka tempat untuk berehat dan mati dengan penuh maruah. Tindakannya telah menyentuh hati ramai orang dan bantahan keatasnya beransur-ansur reda. Kemudian, wanita-wanita lain menyertai Ibu Teresa di dalam kerja amalnya menjaga orang-orang miskin dan yang menderita. Seorang tua, yang meninggal dunia tidak lama selepas berpindah ke tempat perlindungan itu, berbisik kepada Ibu Teresa: "Selama ini saya hidup seperti anjing, dan sekarang saya mati seperti manusia biasa. Terima kasih."



**Buzz dengan orang yang bersebelahan dengan anda. Buzz buat kali kedua dengan orang lain.**

- Pada pendapat kamu, apakah faktor-faktor yang menghalang kita untuk menjangkau dengan penuh belas kasih mereka yang memerlukan?
- Apakah pengajaran yang dapat kita belajar dari Ibu Teresa untuk hidup kita sendiri?

## PENDALAMAN:

### Lukas 10, 30, 33-35

Seorang lelaki menjadi mangsa perompak ketika dia berjalan dari Yerusalem ke Yerikho. Mereka menelanjangi dan memukulnya dan pergi meninggalkan dia yang hampir mati. Secara kebetulan seorang imam melewati jalan itu, tetapi ketika dia melihatnya, dia melintas di seberang. Begitu juga, seorang Lewi datang ke tempat itu, dan ketika dia melihatnya, dia juga melintas di seberang. Tetapi seorang pengembara Samaria yang melewatinya tergerak oleh perasaan belas kasihan. Dia menghampiri mangsa itu, menuangkan minyak dan wain ke atas luka-lukanya dan membalutnya. Kemudian dia mengangkatnya ke atas haiwannya sendiri, membawanya ke rumah penginapan dan menjaga dia. Keesokan harinya ia mengeluarkan dua keping duit syiling perak dan memberikannya kepada pemilik penginapan itu dengan berkata, 'Jagalah dia. Sekiranya kamu membelanjakan lebih daripada apa yang telah aku berikan kepadamu, aku akan membayar balik kepada kamu di dalam perjalanan balikku nanti!'

### Renungan:

- Baca petikan tersebut sekali lagi dan hening seketika untuk mendengarkan bisikan Tuhan di dalam hati kita.
- Kongsikan sebarang perkataan atau ayat yang menyentuh hati kita.

### Lindakan:

Apakah pandangan kamu dengan mereka yang berada di kejiranan kamu yang diperlu dijangkau dengan penuh belas kasih? Mengapa?

Apakah cara-cara yang paling efektif dan mudah di mana kamu dapat menjangkau mereka sebagai seorang individu dan KED?